

иргъни гъамадбиахъес багъандан, учительли къант1-къант1си ихтилат дураберк1нила гъуйчил.

Лирикала ва эпосла далуйти, назмурти яра дишт1лати поэмаби,цадех1лизирад цадех1 декларти диъни багъандан, илди дуч1нила тях1ярра деклар-декларси бируси саби.

Драмала произведениеби класслизир дуч1ух1ели, бутлакъянчибала хасият-т1абиг1ятличи ва илдала баркъудлумачи пикри бях1чаас, илдала гъайла хасдешуни х1ясибдирес чебиркур.

Даргала литературала программали т1алаббинули саби произведениеби дуч1ниличил дарх белк1ла ва мух1лилах1янчурби дурадурк1нира, гъар класслис илдала къадарра белгибарибси саби.

Руркъуси темалис чедаахъибти сяг1ятуни имц1али яра камли диалли, учительла пикри х1ясибли, илди дарсдарес виар.

5-11 ибти классуназиб программала бек1либиубси бут1а даргала литератураличила саби. Дагъиста миллатунала литературара лерилра классуназиб гибси саби. Илала къадар ишгъуна саби; 5-9 ибти классуназиб – авал бут1ала ца бут1а, 10-11 ибти классуназиб – авал бут1ала х1ябал бут1а.

Программали гъарил темалис г1ергъи чула чузи делч1лахъес маслиг1ятдирути произведениебира чедахъили сари.

5-11 ибти классуназир классла дурар делч1лахъес маслиг1ятдарибти произведениебира лер. Илдани дурх1нала багъудлуми мурхъдик1лахъу ва имц1адик1лахъу. Учительли библиотекала имканти ва сунела пикри х1исаблизиди касили, программали чедаахъибти произведениеби имц1а-камдарес виар. Илдигъунти дурсрачир дарган мезличид дурадулхъути журналти ва газетаби х1ердирути сари.

Учительли кумекли дихахъес программали чебаъла ваях1 ва ТСО- личи белч1удила г1яг1нилахълуми, г1илмула ва методикала лиература, буч1антала литературала шайчиртибагъудлуми ва бурсидешуникъиматладирнила нормаби чедаахъили сари.